


MS. B. 1. 1. 1.



每卷首
前三行
格式

吳興劉氏嘉業堂鈔本

宋會要卷五十九

大興徐松輯大典本

吳興劉承幹編定

釋奠 幸太學 幸武學

太學

釋奠

幸太學

幸武學

吳興劉氏嘉業堂鈔本

宗儒二

大興徐松輯大典本

宗儒二大學

釋奠

幸太學

幸武學

宋會要卷

二百二十九

編定

學難區當言新於新始與美藝論圖子壘域內育
出良人標求美藝並與夫今國學魏書二年於新日本
大中祥符二年四月圖子祭既而吳言海暨自合蘇浙
十道及新於東西廣之林壘紅十道海科坊如
書國子壘書蘇州壘書長興十哲新書以十二寶又於蘇二
書州壘書蘇州壘書蘇州壘書蘇州壘書蘇州壘書蘇州壘書蘇州壘
漸里合蘇壘至之關宋味辭於圖子壘學舍不蘇二
欲本贊蘇其未夫欲辭而蘇暨者於有民崇之於不武
臨合以蘇壘而蘇壘不關書十林壘壘蘇而不至於壘

大學

建隆三年六月以右諫議大夫崔頌判監事始聚生徒
講學帝詔中使以酒菓賜之大典卷二萬一千九百四十五

千九

七

千疑子

今

開寶八年國子監上言生徒舊數七十人先奉詔令分
 習五經內有繫籍而不至者又有住京進士諸科常赴
 講席緣監生元有定數欲以在監習業之人補充生徒
 詔令元繫籍而聽習不關得千秋賦繫籍而不至者聽
 於本貫請其未入於籍而聽習者或有冠裳之族不居
 鄉里令補監生之闕宋初增修國子監學舍周顯德二
年以天福
善利禪院建修飾先聖十哲像畫七十二賢及先儒二
建國子監十一人像於東西廊之板壁同
 大中祥符二年四月國子祭酒邢昺言欲望自令補蔭
 出身人將來差遣並須先於國學聽書二年候滿日本
 學牒送審官院依條試驗方與差遣詔國子監如內有

吳興劉氏求恕齋鈔本

年及二十五以上願就差遣者試習經書或有講學據
 其所業考試聞奏同

慶歷二年閏九月天章閣侍講史館檢討王洙言庠序
 之設教化所先自頃學徒未慤師業國子監每科場詔
 下許品官子弟投保官家狀量試藝業給牒充廣文太
 學律學三館學生多或至千餘人即隨秋試召保取解
 及科場罷日則生徒散歸講官倚席若此但為游士寄
 應之所殊無國子肄習之法居常講筵無一二十人聽
 讀者以聖朝經籍道崇儒雅日盛豈茲學校弗著彛規
 必若稽於唐漢率之令典則慮改作為重尚難丕革誠
 能少加程約亦將有所招來况之前日漸可馴致欲望

自今應國子監每遇科場敕下投納取解家狀日已前
須實曾附本監聽學滿五百日者許投狀令本授業學
官取文簿勘會詣實依例召京朝官委保方得取應每
十人之中與解三人其未係監生欲求試補者亦不限
時月每有一二十人投狀即逐旋量試藝業收補只令
在監聽學簿管姓名仍每日講筵應係聽讀生徒並於
本監授業學官前親書到歷如遇私故出入或疾告歸
寧並於判監官處具狀乞假候迴日於名簿開記請假
日數若滿一周年已上不來參假日除落名籍大率數
年一遇科場若聽學五百日者許取文解在其間游息
之日多矣然於學校之版齒位之叙必眾於今日也願

吳興劉氏求恕齋鈔本

下學官參議施行詔國子監詳定以聞本監請自今去
經試補學生並依起請聽讀滿五百日方許取解已得
國學文解省試下者止聽讀一百日許再請解並十人
與解三人所有逐日聽讀親書到歷如有請假託人代
書其不到及代書人實殿三舉仍落名籍學官故縱者
科違制之罪律學即日一仍舊制釋奠先聖學官師生
員陪位近歲多不遵行自今每遇釋奠見在監聽讀生
員並須陪位學徒羣居宜較文藝以激進修自今後每
月兩次輪差學官兩員出題目量加考試第其優劣唐
置六學皆品官子弟充員其庶人子弟亦有四門學今
國學除七品已上子孫許召保官試補外八品以下至

妻

人

對^疑封

昨疑非。請當是靖

庶人子孫例不收補自來雖有此條貫每遇科場多有
冒稱品官子孫難以詳別致容假妄或與訟訴自今欲
依倣唐制立四門學以八品以下至庶人子孫補充學
生不唯漸革偷薄亦以示國家育材之廣也附監生徒
聽讀已久須正係生員名籍自今每歲一補試差學官
鎖宿對彌精加考校取文理相通者具名聞奏給牒收
補內不合格者且令理日依舊聽讀後次與試若三試
不中者便不在試補之限從之上

三年十一月一日詔國子監太學天下州縣學生徒更
不立聽讀日限近制興學校選儒士充教校咸有課試
之法而諫官余請極言其昨便故有是命上

吳興劉氏求恕齋鈔本

五年正月十二日有司上言錫慶院不可廢詔三司別
擇地乃以馬軍都虞候公宇為太學上

皇祐三年七月四日詔太學設官專以教導為職比歲
增以房宇賜之土田許置內舍生二百名如聞未能充
數令宜以百人為限上

熙寧元年正月諫官滕中劉庠並言慶曆中太學內舍
生二百員並官給日食近年每人只月支錢三百文添
厨其餘自備比舊所費殊寡即今補試諸生一百五十
人方撥四五十人入學足二百員數餘試中未入學者
尚百餘人遠方孤寒待次多日却歸鄉里奔馳道路今
大學齋舍空閑甚多欲乞增置生員一百人作三百數

况本監歲收租課足以供贍又諫官吳申言今太學生徒以二百人為限其數番狹遠方之士逾年待次伏乞學生不限員數庶使嚮儒日盛流化天下詔申庠再參定申等言欲於內舍生二百人外增一百員名外舍生逐旋補試且令入齋聽讀仍不給官中貼厨錢候內舍生有關即將外舍生撥填如此則有廣朝廷育材之意亦不違先降學制從之學堂考索五月羣臣準詔議中丞直史館判官誥院蘇軾奏曰得人之道在於知人知之之法在於責實使君相有知人之才朝廷無責實之政則為不待從矣臣願陛下明敕有司試之以法實學通術者雖樸下廢鞞涉浮誕者雖工必黜則風俗稍厚學術追正庶幾忠實之士不至蹈衰季之風則天下幸甚上得軾議喜曰吾固疑此得軾議釋然矣知制誥宋敏求因轉對上言州縣有學舍而無學官

下疑不。鞞題稍。

吳興劉氏求招齋鈔本

下疑考。赦。赦。

四方之士輕去鄉里者以師也請州置學官三年一之如舊其百人請如赦文令則郡論薦轉運使審覈師故士不輕去鄉里隨官御試隨其所學而試之實之官皆無遺也其後官不數變易太學建三舍命舉行海舊制試補監生六百人五月增為九百人同玉四年十月十七日中書門下言近制增廣大學益置生員除主判官外直講以十員為額每二員共講一經委中書選差或主判官奏舉以三年為任選人到監五年與轉京官或教導有方職事不修者並委主判官聞奏當議陞黜其生員分三等以初入學生員為外舍不限員自外舍升內舍內舍升上舍以百員內舍以二百員為限其生員各治一經從所講之官講授主判官直講

逐月考試到優等舉業並申納中書學正學錄學諭仍於上舍內逐經選二員充如學行卓然尤異者委主判及直講保明聞奏中書考察取旨除官其有職事者授官訖仍舊管勾候直講教授有關次第選充其主判直講職事生員並等第增添支食錢從之同上
二十八日詔殿中丞宋靖國贊善大夫呂嘉問相度錫慶院建太學從御史知雜鄧綰所請也綰言國子監粗容春秋釋奠齋庖之室不足以容諸生至於太學即未嘗營建止是假錫慶院西北隅廊屋數十間逼窄湫隘又官司未嘗葺治今大新學制學者聞風至然畢集恐不足以容乞特賜錫慶院為太學故命相其地建之文

吳興劉氏求恕齋鈔本

獻通考為右學上以擬三人請以錫慶院為太學仍修武成王廟下則可復於漢唐書生員學舍之盛乃詔盡以錫慶院及朝集院西廡建講書堂四諸舍官掌事者直廬畧具而太學棟宇始謹足用。議學校貢舉嘉初蘇頌為嘉在太學顏復嘗策問王莽後周變法事極論為非在優等蘇液密寫以諫官判監此輩學官和生徒非大怒責張琥曰君為諫官判監豈容學官與陸佃以時政而不彈劾遂以告安石安石大怒遂與陸佃以李定常秩問判監選用學官非執政所喜者不與陸佃黎宗孟葉濤曾肇沈佃季良與選季良安石齊授口妹婿講之無一語出已其沒三舍皆欲引用其黨耳同上

謹通考作僅校改

沒疑設通考作設

紹興十二年十一月十二日詔太學養士權於臨安府措置增展其格法令禮部討論 先是屢有臣僚言宜復太學以養育人材上以戎事未暇至是乃有是命同上
十二月十二日詔太學養士權以三百人為額 禮部

討論國子監養士國初取補國子三百人為額慶曆三年仍立四門學以士庶子弟為生員嘉祐三年以四百五十人為額七年增一百五十人慶曆五年為太學皇祐三年許置內舍二百人熙寧元年以四方士人盛集京師遂以九百人為額四年以一百員為上舍至元豐以來養士以二千六百人為額上舍一百人內舍三百人外舍二千人國子二百人昨來行在監學止以元隨從車駕三十六人為學生故有是命同

同日又詔行在監學置祭酒司業各一員太學博士三員正錄各一員同上

十三年正月癸卯以岳飛第為國子監太學前洋堂一

吳興劉氏求恕齋鈔本

高閣下文作高閣
當置一人

曰崇化淳熙十六年齊十有二禋身至時中高閣舊擬

太學七十七
齋同上

二月己卯國子司業高閣言陛下復興太學凡養士取士之法當取聖裁上曰自有祖宗成法閱曰有慶曆元豐紹聖崇甯法有司未知適從若出於聖裁則行之乃久閱又奏舊太學辟雍皆有御書今亦乞建閣以藏御書仍願特灑宸翰加惠多士時詔太學額外補中之人許令待闕候見闕日與參长假人對撥至科場年許赴監依不滿年人例取應同

二月二十二日詔補太學生以諸路住本貫學滿一年三試中選不曾犯第三等以上罰游學或雖不住學而

今

曾經發解委有士行之人教授委保申州給公據赴國
子監補試其令秋四方士人來就補試恐有已到行朝
或見在路其間有不曾住本貫學之人難以阻回權將
執到本貫公據人許補一次 從國子司業高閎請也

上同

同日國子司業高閎言今參合條具太學課試及科場
事件如後第一場元豐法紹興元祐本經義三道論語
孟子義各一道今太學之法正以經義為主欲依舊第
二場元祐法賦一首今欲以詩賦第三場紹聖法論一
首策一道今欲以子史論一首并時務策一道為三場
如公試法詔從之上同

吳興劉氏求恕齋鈔本

同日國子司業高閎言契勘太學補試依元豐法合試
經義一場宣和今為士人多習詩賦解通經義難以純
用經義收補其舊習經義士人或不習詩賦又難以純
試詩賦竊見仁宗皇帝朝判國子監胡瑗所補監生只
試論一首令秋補欲權依此例且試論一道係是經義
士人素所安習庶幾均一自紹興十四年秦補並依元
豐法伏望睿斷以幸學者自今日始永為定式詔從之
上同

二十七日國子司業高閎言在京太學講堂及諸齋名
並係神宗皇帝所賜今來崇復國學已興修一堂欲以
敦化并在京太學齋名七十有七今來已興修一十二

幸題

今 秦當是秦

齋欲擬提身服膺守約習是允蹈存心持志養正誠意率履循理時中從之上同

三月三日國子司業高閔言臣聞先王謹庠序之教必先申以孝悌之義國學舊法或犯不孝不悌固不在入學之限而在學九年不歸省侍者則斥而出之徽宗皇帝慨念九年之遠非所以敦其養親之心特降御筆立為三年之限匿而不陳仍重其令其法藏於有司今尚存也自罷舍法之後專用舊制而此法遂不復行今國學落成有日駿惠前烈以章孝治此其時也願詔有司復立三年之限從之上同

四月五日詔大學補試及私試並用謄錄從左迪功郎

今當是令。

吳興劉氏求恕齋鈔本

張保大請也上同

六月十二日知臨安府王暎言根括到本府城外居民冒占白地錢月得二千八百餘貫欲充太學養士之費若以三百人為額除假故外可以足用從之上同

十九日宰職進呈差太學官文字上曰初復太學師儒之任尤當遴選須得心術正者為之講明經旨開諭後進一有邪說學者從而化之為害非細鄉等切宜重擇

上同

二十一日詔差禮部侍郎兼權直學士院王嘗撰興建太學記知臨安府王暎有請撰記下國子監勘會國朝太祖皇帝重建國學係翰林學士陶穀撰記徽宗皇帝

卿

逐當是逐。

御製辟雍記係翰林學士薛昂撰序及重修監學翰林
馮熙載撰記故有是命 太學課試法國子司業高闕
言最先經術上曰經不易通士習學詩賦已久遽能使
之通經乎闕曰先王設太學之意惟講經術而已上曰
近侍讀官程瑀亦論經術闕曰國初猶循唐制用詩賦
神宗始以經術造士遂罷詩賦又慮不足以盡人材乃
設詞學一科試以雜文上曰詩賦亦雜文也闕曰取士
以經義為主不過三場後加詩賦為四場不能無礙蓋
太學之法旬有課月一周之日有試季一周之若加一
場則課試之法遂紊自元祐以來雖增為四場終不可
行者蓋以此也今欲經義第一詩賦第二論策各一第

吳興劉氏求恕齋鈔本

今

三上可之庚辰閱具分三場乞永為定式時閱又請在
學人定三年歸省之限詔可上曰舊有九年之法徽廟
方改作三年豈有士人九年而不省其親者乎上同
七月壬申時國學新成補試生員四方來者甚眾幾六
千人丙子揭榜取徐驥等三百人上同
九月戊辰知建昌軍李長民言軍興以來學政中輟令
和議既成儒風復振郡邑長貳耳兼學事以示偃武修
文之意詔從之上同
十月乙丑侍御史季文會論新除國子監丞石安慶輕
儇無行丁酉上曰太學風化之本使此人充監官何以
取重於士人詔即罷之上同

十一月戊午時上所寫六經輿論語孟子之書皆畢檜
請刊石于國子監仍頒墨本賜路州學詔可同
十二月辛卯新知永州熊彥詩上言欲依嘉祐治平故
事補中監學生命補給綾紙命祠詔從之上同
十七日詔太學養士添二百人令國子監措置增展齋
舍先是權以三百人為額至是刪定官制及有請從之
癸巳上謂宰執曰學校者人材所自出人才須素養
太宗置三館養天下之士至仁廟人才輩出為用秦檜
曰國朝崇儒重道變故以來士人雖陷虜者往往能守
節乃教育之效也上曰然五代之季學校不脩故無名
節今日若不興學校將來安得人才可用耶同

吳興劉氏求恕齋鈔本

紹興三十一年五月二日詔太學國子正錄兼講以

臣僚請置六經博士故有是命上同

六月詔太學博士正錄各減一員上同

三十二年孝宗即位未改元十一月二日詔館職學官祖宗設

此儲養人材亦欲待方來之秀不可定員以殿中侍

御史張震言臣前日嘗奏陳復置正錄以待宰執所薦

之人是將復開冗官之源且立法不信無以示天下蒙

陛下開納以謂其源不可不塞聖意固已定矣今已數

日而未施行所除高適亦不復改命則是必有以為不

然者冗官之減不減不過一正錄而已未為大費而臣
之所惜者朝廷命令朝行夕改無以取信於天下且當

時國子監所減者正錄二員太學博士一員書庫官一員武學諭一員今日正錄復置則持是說以求進者源源而來上之人既無以制之則將盡為之復此員闕而後已出令如此其何以示天下乎臣願陛下無輕為一士而變已行之法使人皆知上有所必守則亦不敢徼求於法之外矣故有是命餘依奏

隆興元年二月二十三日禮部言伏見已降指揮應省試年分於二三日間許行開補今歲未合補試緣赴省試下第之人已皆留此待試有旨令禮部取見有無闕額申尚書省特與開補一次本部續下國子監勘會太學外舍生一千人為額自今額足即無見缺欲乞將在

吳興劉氏求恕齋鈔本

學免解在假一百餘人開補一次候逐人參假日有闕
依次撥填施行從之

大典卷二萬一千九百四十七

六月二十九日詔罷太學補試每遇有試年分本學刷具見闕人數以諸州解發舉人赴省試下者隨缺額多少撥人如闕多則以逐州解額十分為率撥二分闕少則以逐州解額十分為率撥一分之類臨時斟酌並從逐州解榜上名撥入上名已過省更不撥下名其合撥人不願入學者聽不許以次人充填其合陞撥之人並赴簾前試訖注籍為太學生 先是禮部侍郎黃中等言看詳到百官應詔封事言太學就補試者每次不下數千人多不由本貫保明給據故其間或有隱憂匿服

住當是任

不孝不悌得罪於鄉黨閭里之人有司無由知之使其
中選為太學生豈不有玷士類欲望行下州縣補試之
法其補中本貫州學從上撥入正額給食者往學一年
堂試三次合格不犯第三等已上罰教官保明申州給
據方許赴太學補試又士庶封事言宜罷太學春試而
以州郡應舉終場人數裁為定額令州學每歲月書季
考取其秀者若干人而貢之於太學都省送部下國子
監看詳本監契勘太學補試雖有紹興三十一年指揮
及今來臣僚條具弊事令赴試之人須管住本貫州學
一年私試三入等不犯第三等以上罰委教授保明申
州本州保明給據前來赴試其州郡往往鹵莽多不照

吳興劉氏求恕齋鈔本

壯當是狀

應原降指揮次第保明止是隨壯給據泛稱於貢舉條
例並無違碍如此之類十有四五本監臨時難以却回
再行保明不免申取朝廷指揮先次收試然後勘會其
間或有隱憂匿服曾犯刑責得罪於鄉黨閭里者無從
稽考又就萬餘人特眾喧呼至有不請據不納卷不引
保平白入場稱云失試卷一面就簾前請准備試卷或
就前後兩場赴試之人不遵士檢亦無忌憚理宜更革
故有是命皆本監請也文獻通考始三歲一補太學
遇覃恩無免解法帝始創行之
自是為例省額增
數十人同上

乾道元年三月七日詔太學依舊補試更不撥入省試
下人禮部言契勘太學收補外舍舊法並係補試取

侍疑侍。
案此條疑有缺佚

文理通者為合格緣隆興元年六月內一時指揮依士庶封事罷太學補試以諸州解發舉人赴省試下者隨缺額多少撥入是致陳興宗等陳乞依舊法補試國子監指定若永罷補試止撥省試下進士即四方未曾得解士人更無可以入學之望難以杜絕士人詞訟欲乞遵隆興元年三月七日指揮候省試了畢日開補仍乞以本學在籍過省人數為額取放立為定制故有是命

上同

二年二月八日詔復置太學正武學諭各一員

上同

二月時詔下省併曾請舉赴補人以太學過省闕額收補額外勿增在朝清要官暮親許牒子弟作侍補國子

吳興劉氏求恕齋鈔本

別號考校如太學生遇有期親任清要官更有國子生不預校定外補及差職事惟得赴公試私試科舉則混試焉舊公私試皆學官主之自淳熙後公試仍鎖院降敕差官學官不預太學補弟子員故例每三歲科舉後朝廷差官鎖院凡四方舉人皆得就試取合格者補入之謂之混補淳熙後朝議以就試者多欲為之限制乃立待補之法諸路漕司及州軍皆以解試終場人數為準每百人而取六人許赴補試率以開院後十日揭榜然遠方士人多不就試則為他人取其公據代之冒濫滋甚慶元中遂罷之嘉泰二年復行混補就試者至三萬七千餘人分六場十八日引試云

上同

三年黃倫以兩優釋褐自紹興建學至是始有兩優用
崇甯恩例授承務郎國子錄舍朝野雜記舊制太學上
入優等者就化原堂釋褐號釋褐狀元例補承事郎大
學正錄淳熙初鄭鑑自明由此選不四年而為著作郎
補郡以自明數言事上甚喜久而稍厭之六年劉純叟堯
夫復以解褐除國子正時王仲行為兵部尚書奏言今
兩優釋褐初授京秩即授學官視狀元制科恩數過之
事理不當乞先與外任時知滁州張商卿亦言今上
舍為學官不數年便可作監司郡守獄訟財賦非所素
習豈能保其不謬乞先注職官上然之十月丙申詔與
殿試第二人
恩例同上

四年正月十一日詔太學生黃倫升補上等上舍特與
補左承務郎除太學錄國子監言興復太學已來未有
行過上等上舍事例至是特有是命九年十一月二十
四日鄭鑑亦如之同

吳興劉氏求恕齋鈔本

十二月二十一日詔復置太學錄一員以敕賜同進士
出身魏校之為左迪功郎填闕仍令有司給賜袍笏同
五年五月十四日詔太學補試七人取放一名零數更
取一名以國子監公補試所言太學補試已行引試
終場內除國子生已有取放人數明文所有太學生終
場共五百五十八人據太學具到今年已授官出學人
闕額一百三十三人照得在法太學補試以省試年分
許行補試仍將太學過省闕額補填取放即不得額外
別立增添名數今來本所即未敢擅便據闕取放合取
自朝廷指揮故有是命上同
六年六月二十三日詔太學生員見有闕額時與放行

今來秋補一次仍不得解人為限並依乾道二年以前指揮體例施行其武學增作一百人為額今後太學闕二百人武學闕三十人取旨試補上同

七年正月九日禮部國子監言勘會紹興十三年十二月十一日已降指揮補試中選學生下所屬給降素白緩紙付監依做祖宗制度贊詞書填給付照得自復興太學補中學生出給綾紙其贊詞有復興太學四字今來已是興復日久所有詞語欲乞朝廷敷奏許令本監重別撰贊詞書填給付施行從之上同

九年三月二日起居郎留正言太學時文四方視以為法而士風厚薄人材盛衰皆可概見於此國家取士三

吳興劉氏求恕齋鈔本

場各有體制故中選者謂之合格數年以來有司去取以意士人志於得而已程文多不中度故議論膚淺而以怪語相高對策全無記問而以浮辭求勝大抵策尤卑弱每刊行公私等試文字不足以傳示四方臣恐天下士子以謂朝廷好尚如此隨風而從不讀史書見聞淺陋人材風俗所繫實重今次太學見引公試望詔主司精加考校詩賦取合律經義求得體論策以記問該博議論淵源者寘之上游庶幾傳布四方士子知所適從於時政亦有所補從之同

九月二十一日國子監上舍試所狀勘會太學上舍試取人依條通取不得過三分人材不足則闕之今來乾

道九年太學上舍試就試終場六十六人依條每十人取三人共取一十九人外有二人六分有零係少六分有零取不及二十人本所未敢便行將零分取放一名詔零分許取一名同

淳熙元年七月二十六日詔太學置射圃先是知道州樓源言乞依舊法許太學諸生遇旬假日過武學習射禮部國子監看詳太學生員數多欲早晚習射以武學射圃狹兼太學生過武學與告假人混雜乞就太學自置射圃從之同上

八月十二日國子司業戴幾先言乞將太學私試習經義文理優長數外取放詔令禮部勘當以聞既而禮部

吳興劉氏求恕齋鈔本

言太學格每月私試取人以十分為率所取不得過一分至歲終外合校定依條每十人取一人係將每月私試合格積累分數從上依分數名次校定今來幾先乞將二禮春秋文理優長之人優加取放即與歲終校定人數並無增加止緣三經逐月就試人數每經不過數人若不稍加優異竊恐習者愈少漸致廢絕今指定欲將二禮春秋於考校日如有文理優長於合取分數量行取放如無優長止依元法從之同上

二年二月八日詔太學養士錢令臨安府於係省錢內每月貼支三百貫應副支遣以司業薛元鼎言緣節次補試增展員額復興武學目今匱乏故有是命又四年

十一月二十九日司業王達言目今有趨赴省試公試
住學生員行食人數眾多支用不足詔每遇省試年分
令臨安府於係省錢內每月貼支六百四十貫應副一
季上同

六月四日詔太學補試今次士人倍多將考銓試官於
所降敕後並帶兼考太學補試經義詩賦仍添差三員
上同

七月八日詔國子監試官等各有親戚鄉人赴補將卷
別作一行排定坐次應簾內試官並不得干預簾外職
事如違令本院長官覺察以聞其今次太學補試應考
試官本宗親戚試中之人並未得參學候將來有國子

吳興劉氏求恕齋鈔本

試日重行收試

於是祭酒蕭之敏自
劾詔放罪同上

九月十九日禮部侍郎趙雄言近日太學補試進士多
至萬六千人場屋殆不能容理宜裁節今欲依倣紹興
三十一年舊令諸州教官歲取本州士人住學最久試
中最多者從上保明仍別立定額本州解額一名處聽
保明五人赴補試解額十名處聽保明五十人至一百
人止州學保明申州州申監監申禮部過數者教官守
貳生之人数不足者聽闕其有馳騫他州要求保明者
依貢舉冒鄉貢條法科罪從之上同

十二月十七日太上皇帝慶壽赦應紹熙三十二年以
前補中太學國子生見年七十以上人可令禮部保明

以聞特與補迪功郎內舍上舍生父母年七十以上外
舍生父母年八十以上並與初品官婦人與封號已經
官封者父與轉一官資母與冠帔令經所屬自陳保奏
上同

三年四月三日禮部國子監言大小職事該遇慶壽赦
參酌推恩人內舍生永免文解紹興三十二年以前陞
補已有陞甲陞等占射差遣恩例人二名候將來到部
日與循一資賀表首名內舍生有平等校定人一名與
永免文解內舍生永免文解有平等校定人一名候將
來過省殿試唱名日與陞甲外舍生永免文解人一名
候將來過省殿試唱名日與陞甲上舍生免解將來合

上舍生免省舍該陞甲人七名候將來
殿試到部日與占射差遣一次內舍
永免文解并上舍試中平等人二名候
將來過省殿試唱名日與陞甲

吳興劉氏求恕齋鈔本

該陞甲人三名候將來過省殿試唱名到部日與占射
差遣一次內舍生永免文解有平等校定人二名候將
來過省殿試唱名日與陞甲內舍生永免文解人三名
候將來過省殿試唱名日與陞甲內舍生有平等校定
人二名與永免文解人四名候將來過省殿試唱名日
與陞甲不係免解人二十四名與免文解一次學生並
賜束帛詔並依擬定內魯秉禮汪南金並特與免省更
不循資潘質已補官更不與免解恩例
魯秉禮汪南金
係舉人學錄潘
質係外舍生年
七十八同上

十一月十二日南郊赦國學進士先請後免或先免後
請可並與免將來文解一次
六年赦同
同上

四年二月七日詔兩學敝甚可與修葺令南庫支二萬緡委知臨安府趙礪老修葺其規模狹陋去處令隨宜展拓務要如法毋致減裂上同

十一日詔太學文宣王像并從祀一十二位令重行塑繪所有舊像權遷於首善閣下同

五月十五日詔太學選差職事依條長貳學官以三舍生次第選補即才行為眾所知聽不次選既而國子監言淳熙二年四月三日已降指揮將三舍生合差職事人銓次科別立定差格前廊職事先差中等上舍釋褐等官次差下等上舍次差內舍優等校定人次差內舍平等校定人諸齋長諭先差上舍內舍次差公試解試謂本

吳興劉氏求恕齋鈔本

監解第一人次差外舍校定第一人次差補試私試第一人次差公試解試外舍校定補試私試上三名人各須有行藝均以陞補及中榜先後高下為序應格多者為上內有曾經犯罰人各在本等之下本監竊詳近降指揮選差大小職事既稱各須有行藝即不專用資格於見行學令所載才行為眾所知聽不次選正條初無衝改其前廊職事尤當以行藝服眾為先今參照資格於上舍內舍通選行藝為眾所推人充庶幾人法兩得從之上同

二十四日詔就太學建造堯堯太上皇帝御書石經閣其見在石經周易毛詩尚書春秋左氏傳論語孟子外

尚有太上皇帝御書禮記中庸大學學記儒行經解五篇不係太學石經之數搜訪舊章重行模勒以補禮經之闕 從知臨安府趙礪老請也上同

八月十三日禮部考試官施師點等申男括等各赴太學上舍試委有妨礙本部欲候別試院開院了畢別行差官鎖院引試從之上同

十一月二十七日禮部國子監言每遇科舉年分諸州依解額取定合格人赴省試外乞將其餘解發不到試卷紐計終場人數每一百人取三人零分不及三十亦取一人名曰待補大學生考試院具姓名申本州置籍俟太學開補本州給據申國子監赴補試一次其以前

吳興劉氏求恕齋鈔本

曾實得解到省試下人願就補者召保官一員當年得解赴省人只照元發解公據赴補從之先是監察御史潘緯言太學比年補試繁冗太甚中選者類多假手欲自今科舉為始請州依解額取定合格試卷外仍取備卷作待補太學生即於經義詩賦論策內有兩場或一場文理優長者並行存留許赴補一次其實曾得解人每補聽試禮部國子監看詳來上故從其請至淳熙十年八月九日詔自今諸州解試終場人以百人取六人充待補上同

淳熙五年五月二十七日詔諸路州軍曾實請解之人令禮部參詔貢籍仍各繳元省試下公據許赴補試一

次
上同

六月十三日詔太學補試大院有合避親之人並送別院收試若別試所有避親孤經發回大院收試之人止避所避之官互送別位依公精加考校

八月三日詔內舍校定優等不以有無上舍試年分並以十分為率先是閏六月二十三日臣僚言國家以科舉取士內舍上舍生兩優則月書季考積累之久行藝特異眾所推許有人則取無人則闕蓋十有餘年而不得一者今也不然兩優則以歲額為定纔五六分便為優選今乞兩優校定十分以上方得與選無人聽闕詔令禮部監學看詳禮部國子監言太學見行校定條令

吳興劉氏求恕齋鈔本

優

本無立定本分數今乞將內舍校定若遇上舍試年優等以十分為率如非上舍試年優等以八分為率已上不及分數則闕之仍乞將每歲所校人數依條例以佳學年月及上舍公私試孟仲季入等高下相壓若遇上舍試年優等及十分如非上舍試年優等及八分從上取兩名作優等餘並入平等庶幾得中

十月一日詔太學生年七十已上該慶壽赦已補官人虞擬潘賀季嘉言何上民並特差嶽廟一次

六年九月二十七日詔國子監上舍試零分取一名
十月九日詔太學兩優釋褐之人與依狀元體例先與外任一次然後授以職事官
以給事中王希昌言天

子臨軒策天下之士取其尤異者一人曰狀元舍法選
舉有司考校取其兩優者一人曰釋褐狀元雖一命得
京官必出而為簽判而釋褐之人一命亦得京官即入
為學官又賢良判入三等方任京官簽判入四等者止
得選入幕官而宏辭中選者亦不過止得選人教授今
兩優之人即以京官而為學官釋褐之人方其未中也
因嘗以學官為師矣一旦中選則與先生並列方其未
中也因嘗以學錄學諭為師矣一旦中選則向之為師
者反在北面弟子之列事之不當莫甚於此故有是命
上同

十一日詔自今上舍試中兩優之人與依殿試第二名

吳興劉氏求恕齋鈔本

恩例既而知滁州張商卿言進士之第一人也必取之
以簽判蓋欲其先歷州縣今上舍試中兩優者則便釋
褐命之京秩處以學官不數年便可為監司郡守獄訟
財賦非所素習豈能保其不謬乞自今上舍兩優之人
依殿試三名前體例且與資次注授幕職官一次候任
滿日方與學官差遣庶使入仕之初稍更民事故有是
命上同

七年七月九日詔自今國學程文依舊法從國子監長
貳看詳可傳示學者方許雕印從臣僚請也上同
九年八月四日詔國子生今舉法解依前降指揮並送
別院收試先是二年七月十一日詔自今國子生解試

並別院收試其合避親嫌官不得差充別院考試官
九月十三日明堂赦國子監乾道八年省試下進士實
理十二年可並與免文解同

十年十二月十六日太上皇后慶壽赦太學內舍上舍
生祖父母父母年七十已上外舍生年八十已上並與
封初品官婦人與封號已經官封者祖父父轉一官資
祖母母與冠帔令經所屬自陳保奏

淳熙十三年慶壽赦同 同上

三十日禮部國子監言太學大小職事該遇慶壽赦參
酌推恩人上舍免省四名赴唱名日已有陞甲恩例候
將來到部日與占射差遣一次內舍生永免解三人即
無恩例候將來過省殿試唱名日與陞甲上舍生永免

吳興劉氏求恕齋鈔本

解一名已有陞甲恩例候將來過省赴殿試唱名日更
與依格陞名內舍生今舉得解一名即無恩例候將來
過省赴殿試唱名日與陞甲內舍生前舉免解今舉還
試二名並無恩例候將來過省赴殿試唱名日與陞
甲上舍生未該免解一名係陞補未及一年候將來過
省殿試唱名日已有陞甲恩例與免文解內舍生永免
文解八名外舍生永免文解二名並無恩例候將來過
省赴殿試唱名日與陞甲內舍生今舉得解見陳乞陞
補上舍填闕一名已有陞甲恩例候將來過省赴殿試
唱名日更與依格陞名內舍生今舉得解九名內舍生
今舉還試一名並無恩例候將來過省赴殿試唱名日

與陞甲上舍生係陞補未及一年未免免省今舉不該免解一名已有陞甲恩例欲與免文解內舍生未該免解一十四名外舍生未該免解四名並無恩例並與免文解一次內三名陳乞該遇覃恩日陞補內舍及在外學四年已上各承放行今次省試候將來過省赴殿試唱名日與依格陞名學生五百八十四人各倍賜束帛詔並依擬定上同

十一年五月一日國子監言太學國子生二百六十八人闕額詔許依淳熙八年體例補試上同

十二年七月二十八日國子祭酒顏師魯言太學內舍生舊例歲校十人於十人之中以三人為優其後臣僚

吳興劉氏求恕齋鈔本

有請以優校之士間有六七分而得者似為稍易遂乞以十分為率從上止校二名分數既高士之銖積寸累偶應其格者比之往年固艱又從而損元額之一不亦甚乎且太學歲校三優率亦間歲再試視其中否尚有守年者今欲依舊與校優等三人仍以十分為率如不及則闕之庶知士知所勸上曰既限十分為率不必更減一名可依奏上同

十二月十一日詔太學上等上舍生易校顏棫名特補文林郎與職官差遣上同

十三年五月一日詔太學外舍生應說等十一人年七十以上並依慶壽赦特與補迪功郎上同

榜當是謗。

止題落以校補

八月四日臣僚言向來太學解試不差學官豈不日月書季考習熟其文雖去取之間未必容私而眾多之口易以興榜目今科場差官在復乞復依舊例免差學官從之上同

十一月二十三日臣僚言近歲時創待補之法州郡俊秀羅網無遺惟是引試之期常以六月暑氣隆熾奔走道塗多有暈死省闈報罷之士又以試期尚遠力不能待且舊來太學補試用春秋二季眾皆便之因乾道八年再放補試始用六月循習為例今倘仍舊止舊三月引試則省闈報罷者無留滯匱乏之憂天氣和平無觸冒炎暑之患貢院見成夾截可以用雖與殿試同月

吳興劉氏求恕齋鈔本

緣補試係學官自行考校與殿試不相妨礙所有銓試却俟殿試唱名畢從之上同

十四年正月二十二日禮部言國學免解進士季元有國學進士盧獻臣等所陳欲依每舉放行省該所該慶恩乞理作陞申緣昨來節次放行免解赴省並係承朝廷特降指揮放行詔禮部將乾道八年至淳熙十一年已令赴省試人並時令再赴令來省試一次其慶典免解俟過試特許作陞甲收使既而四月五日禮部國子監言元有暨錢震臣李履孫琰先慶典免解公據赴部投納試卷了當欲將正月二十二日指揮放行免解公據換給陞甲奉旨候過省日許作陞甲收使上同

陞申下文作陞甲似有不誤

孺當是儒。

十五年五月十四日臣僚言竊見太學禮義之所教化所自出諸生漸磨其間正宜勉勵術業重惜名檢以為保國榮親之舉近聞有冒同宗之服制肆非所之燕遊若內舍生何寅者死於非命豈不負明時之教養欲望戒敕太學師孺之官謹生員之教振舉學規勿容非禮之動傳播四方有玷京師首善之化從之上同

七月二十三日國子祭酒何澹言竊惟太學興建之初月書季考未甚嚴密逮至紹興二十七年因本監長貳申請始建指揮每月私試並依貢舉條制鎖院考校仍不得過十數日內監試官引試終場畢先次出院候考校畢入院放榜自後每月率以為常竊謂既依貢舉條

吳興劉氏求恕齋鈔本

例鎖院考校不應監試之官却乃先次出院只緣在法監試取摘試卷詳定不預考校所以相承如此再詳法意蓋謂承平學校養士額多就試人衆為長貳者難以遍閱試卷今來每月私試多不過三百人以上長貳依貢舉條例鎖院考校亦自不難兼又臨期入院放榜一時所見或未詳盡今乞向去私試如遇就試人多即長貳同共在內更不先出如遇就試人少即長貳先放榜一日入院明日折號庶幾可以子細看閱從之上同

十六年二月一日禮部言太學堂名上一字犯皇太子名合行迴避乞改作崇化堂從之上同
是年十一月二十八日右諫議大夫何澹言竊見朝廷

以疑已
捉疑促

以舍法取士太學公試乃外舍士子陞進之階利害不
細常年則與銓試同在太院鎖院每遇省試年分則銓
試多在中夏日子太遲於是附試於省試之後而就大
院別委官以考之所委之官往往以省試為重以公試
為輕又其披閱省試文卷之餘精力各以疲憊日子又
復迫捉未免鹵莽以求畢事緣此前後士子多不愜服
欲望今後省試年分所有太學公試令赴別院收試庶
幾考官專精陞黜惟允契勘省試別院卷子不多例是
先期開院令若就考公試實不相妨又來春大院免解
赴省之人異於常年重以考校公試力愈不給必致兩
有所害移附別院尤為允當從之上同

吳興劉氏求恕齋鈔本

紹熙元年正月十七日宰執進呈何澹乞放行太學參
長假人免解留正等奏太學連兩舉該恩免解遂無科
舉其僥倖不可言今參長假人多係赦後又欲盡行免
解攀援冒濫何時而已上曰誠多僥倖卿等更參酌其
間有可以放行者與放行不可者即已豈容一例放行
也上同

三年六月二十四日禮部侍郎倪思言國家開設太學
所以網羅天下之材三歲一補所以收拾科舉之遺自
淳熙四年議者厭就試者之多乃創為待補之說蓋欲
以限節其來來者既少而取人之額如舊中選之人得
以僥倖兩浙福建解額既窄往學亦便士子願一試而

任當是任

不可得則必巧為經營遠方之州解額自寬於補試無甚利害縱或得之佳學亦非所便雖中待補第為虛名於是有貨賣文帖改移鄉貫變易父祖之弊近時臣僚屢有以為言者可見此弊人皆知之不可以不革也臣以為不若自今舉罷去待補只循舊制每三歲放混試一次以廣其來所取之額初不增加庶幾不絕士子進取之望而擇之既精得人必多如臣言可采更乞命侍從臺諫學官集議施行又臣契勘向者就補試者至以萬計緣貢院狹窄若作一場則不能容若分作前後場則必有兩次就試之弊臣竊見近者臨安府轉運司各建立貢院若以經義詩賦分作兩處同日引試則無向

吳興劉氏求恕齋鈔本

者之患詔令集議既而侍御史林大中右正言胡琢監察御史何異曾三復言國家開設太學本以混試招延士類混試既弊遂行待補然闕防之不密考校之不精抑又不能無弊此議臣所以有放行混試之請若以待補之弊尚多遺才所宜放行混試但來者既眾恐有喧闐蹂踐之患今若令有司措置保其無他即與權住今年諸州所取待補然亦未宜徑罷也如明年場屋果無喧闐蹂踐則自放省試年分即與放行倘有未便則待補既未嘗罷只就其間更加措置使闕防之密考校之精未為不善也今若徑罷待補萬一明年混試致有疎虞而後舉又復待補恐非朝廷更制立事之體又吏部

尚書趙汝愚翰林學士李燾權兵部尚書羅點戶部侍郎馬大同給事中尤袤中書舍人黃裳權工部侍郎謝申甫起居郎樓鑰起居舍人張叔椿言竊惟待補之法其弊已多因仍歲時弊將益甚今欲易之混試固足取快一時然多士咨來以數萬計非惟有司重有勞費日力有限較閱難精亦恐道路奔衝不無寒暑之患場屋湫塞更多蹂踐之虞彼此相形得失居半盖有根本之論稍師古始而言夫三代鄉舉里選之法雖世遠事異不可遽復然有教育作成之意本諸天地而合乎人情者則雖百世不能改也惟我國家內自京師外及郡縣皆置學校慶曆以後文物彬彬幾與三代同風矣逮至

吳興劉氏家規

崇觀創行舍法所在養士誠得黨庠遂序之遺意故一時學者粗知防檢非冠帶不敢行於道路遇鄉曲之長上及學校之職事則斂容而避之其風俗亦誠美矣然其失也在於專習新義崇尚老莊廢黜春秋絕滅史學又罷去科舉使寒畯之士捨此無以為進身之路事理俱礙施行廢革此亦非舍法之罪其時弊則然也中興以來投戈講藝行都重建太學諸郡復行貢舉士生斯時可謂幸矣然浮偽之風勝忠信之俗徼有司頗以為病者亦由州縣之間士之榮辱進退皆不由乎學校至論德行道藝則惟取決於糊名苟為彫篆之文無復進修之志其視庠序有同傳舍視師儒幾若路人月書季

考盡為文具殊失朝廷教養之意汝愚等擬欲遠稽古
制近酌時宜不煩朝廷建官不勞有司增費惟重教官
之選假守貳之權做舍法以育才因大比而貢士考終
場之數定所貢之員期以次年試於太學庶幾士修實
行不事虛文漸復淳風仰裨大化有三舍之利而無三
舍之害其法頗為近古如蒙朝廷采錄所有諸州教養
課試升貢之法乞下有司詳議施行然科舉事嚴試期
甫通其今歲待補試欲乞且與依舊放行一次從之文
獻通考時朱熹門人或問三舍法如何熹曰欠去根頭
自安鄉里矣朱子語錄先生曰太學舍法壞人多
龜山嘗立論高抑崇曾見龜山太學初興召為司業善
了類頗屬望到彼一切放倒三舍法却在渠手中成莫負
了龜山否王子合曰聞那時只是取法於一舊老史浩

吳興劉氏求恕齋鈔本

舍校改通考作舍

曰秦會之是舊太學中人想是據他向日所見了先
生曰高公不合與承當高公大率不立五峯嘗有書責
他德文獻通考朱子學官以來實學之士裁減額合選
濫之士恩以塞利誘為義蓋古之利且以本朝之事以
取士故所記元祐生必求天哲賢士真可謂人師者就
如李寬簡國子先生必求天哲賢士真可謂人師者就
其法又擇其尤下之士如胡翼之徒就師專教其導規
事故當是時天下之士如胡翼之徒就師專教其導規
者遺意也熙寧稱弟來此者中遠萬里來就師者蓋
之場而掌其教事者不志於義理者既無求於學而嘗
隽於場屋者耳士之過解額之濫舍選之私而已德師
相輻湊然而來者行路之過解額之濫舍選之私而已德
道藝之實而月書季考者以又祇言亦未嘗聞之已德
無恥之心殊非國家之制擇師立學有教人嗜利苟
其弊莫若一遵仁皇之制講明道藝以教人師者
以弊學官而久其任使之講明道藝以教人師者
又痛減解額之濫解德行之州罷去諸舍選之法而特
師者察諸州所濫解德行之州罷去諸舍選之法而特

官則太學之教不為虛設而彼懷利干進之流自無所
為而至於此則待補之法固可罷去而混補者又必
使與諸州科舉同日引試則彼有鄉舉之數則又嚴為之額
復來而不患其紛冗矣至於取人之數則其舍鄉舉而
而許其補中之人從上幾分時赴省試則其舍鄉舉而
來赴補者亦不為甚失職矣其計會監試潛試附試之
類亦當痛減分數嚴立告賞以絕其冒濫其諸州教官
亦以德行人充而責以教導之實則州縣之學亦稍知
義理之教而不但為科舉之學矣同上

四年四月二日禮部言國子監申玉松年等一十七人
並係試中上等小學生欲將逐人照紹興元年鄭樞等
比類諸州待補試中名額放行令來補試一次從之同上
四日詔令臨安府學生依紹熙元年已放行人數許赴
太學補試一次從府學生應輔等請也同上

五年正月一日慶壽教太學武學曾預拜表大小職事

吳興劉氏求恕齋鈔本

臨安府學正錄並依淳熙十年十二月三十日已得指
揮推恩人姓名開具應得恩數聞奏學生并有官學生
各倍賜束帛小學生府學生各賜束帛同上
寧宗慶元元年四月九日權吏部尚書兼侍讀兼直學
士院兼寶錄院修撰樓鑰等奏准慶元元年正月二十
五日敕節文臣僚上言議覆太學混補以示初政之優
恩又謂待補之法行之稍久冒濫之弊不可不革今歲
適當大比乞令兩省侍從臺諫集議施行詔赴鑰等詳
審臣僚乞用禮部貢院之外以臨安府轉運司兩貢院
漆處之請因其說更加措置禮部貢院通別試所約容
一萬五六千人臨安府轉運司兩貢院約可分授萬人

今欲以詩賦人盡於禮部貢院引試經義人臨時約度
人數徑分兩處收試仍各差監察御史一員監試職事
二員出題才候試畢封彌官即將真卷每一百軸作一
封仍取御史印押其出題官及簾外封彌監門等官徑
自出院御史親押上件已封卷子並赴禮部貢院封彌
所就今日下各卷彌封打號發過謄錄所一處謄錄混
考御史候封彌所交收卷子盡絕訖即自出院如此則
題目俱出於一而同日三處引試亦免重疊之弊俟來
年省試畢日施行兼照得自來補試止係監學官考校
今試卷倍多合從朝廷添差職事官以下同共考試其
今年發解科場更不取待補人即合預先行下諸路轉

吳興劉氏求恕齋鈔本

運司遍牒州軍照應施行貼子稱舊法赴太學補試士
人並令經本貫出給公據今來放行補試亦合行下照
舊法給據施行詔從集議到事理施行

三年以國子生員多偽濫制自今職事官期親釐務官
子孫乃得補試凡監學生皆給綾牒若告謁在外遇科
舉則試於漕司

嘉定五年八月二十五日承議郎國子博士徐自明劄
子奏學校舍法事數內至肄業膠庠者自外舍有月校
而公試入等者曰內舍自內舍有月校而舍試入等者
曰上舍有定序也然曩年省試係在孟春之中故大廷
唱第多在孟夏之月近省試既在仲春故廷唱展在仲

夏所以孟夏之月雖已中春官而未經廷對者猶未出
學住膳而當年公試新中內舍者或未有闕可填則不
得以占三季之考行內舍之食其妨進取而礙月書學
者常患苦之不惟是也一歲之中校優者三而校平者
已常預平校者或再中平校止用其前者之一足矣而
間有頑忍不予者或未肯與豁除必待授以遜狀是二
者至有相邀以利相計以訟啟紛爭而喪廉隅者風俗
至不美也今欲於省試之年其已中春官者遇入孟夏
下旬即乞預行住膳使以次陞補者不妨占季行食而
內舍已滿百三十人之數即不得於四月分先期借食
又於每歲之中有再中平校者亦乞先與豁除使下名

吳興劉氏求恕齋鈔本

得以序進庶幾廉遜之風行乖爭之俗熄不至壞學者
之心術而啓學校之紛紜臣所謂嚴陞舍之選者此也
如臣言可採乞行下國子監看詳施行後批送國子監
看詳限十日申尚書省本監尋送博士正錄看詳今據
宣教郎太學博士陳貴誼等申數內至於舍法二弊諸
生已中春官而未經廷對者當於四月下旬預先住膳
所有特奏名候省試開院日行下諸齋根刷如願就特
奏名試亦乞依此施行其前已中平校而復有平校者
當於當年校定人數即與豁除其詳已備見於劄子所
陳參之物論皆謂乞協人情亦乞行下本監施行貴誼
等今聚議申監乞備申朝廷施行本部今看詳欲從博

士正錄看詳到事理施行伏乞朝廷指揮施行詔從國
子監看詳到事理施行上

[Faint bleed-through text from the reverse side of the page]

吳興劉氏嘉業堂鈔本

吉禮

釋奠

嘉熙四年二月二十七日戶部侍郎兼詳定一司勅令
單夔言紹興祀令文宣王州縣釋奠同為中祀乾道祀令文
宣王州縣釋奠同為大祀所載不同乞依紹興七年十月已
降指揮春秋上下釋奠至聖文宣王在京為大祀州縣
仍舊為中祀從之

六年四月十八日知常德府李燾言本府春秋釋奠凡
所陳設多不依式乞下太常寺將政和五禮新儀內州
縣釋奠文宣王行禮儀注及繪畫尊爵簋豆制度圖本
頒下從之

七年二月十七日太常寺言已降指揮降州縣釋奠祭
祀儀式今續參照大中祥符間頒下州縣祭器止有散
尊即與新儀不同其散尊乞行除去兼政和之後其配
位從祀神位陞降位數及封爵不同竊慮州縣塑繪不
一乞依國子監大成殿并兩廊從祀位數爵號姓名并
尊器制度一就頒降從之

紹熙三年八月十七日詔太常寺將州縣釋奠文宣王
神位次序儀式改正仍備坐今來申明指揮行下臨安
府錢板同紹興製造禮器圖印行頒降 先是臣僚言
兗國公顏回鄒國公孟軻舒王王安石配饗西上王安
石已降從祀之例不曾明載指揮兗鄒二國公坐位從

九行
先字起
一抄寫

吳興劉氏嘉業堂鈔本

紹興指揮徒於先聖之東南而皆西向北上州縣多不
見此指揮往往差錯曾參合從唐通典元封國作郈侯
薛公冉雍費公閔損從政和新儀閔損為第一冉雍為
第二以正淳熙儀式之誤兩廊從祀政和新儀與淳熙
祭祀儀式不同合依唐通典所載以東西相對為次序
泗水侯孔鯉政和新儀與淳熙儀式不曾該載今增入
孔鯉合在沂水侯孔伋之上臨川伯王雱乞照中興禮
書去從祀畫象祭器樣式政和年中鑄考皆造三代器
物紹興間以其樣制印造頒付今州縣尚仍聶氏舊圖
乞別行圖畫錢板頒行釋奠時日州縣或秋用下丁乞
從政和新儀序列春秋皆用上丁日行事陳設條內着

該疑核

尊肆犧尊肆著當作犧犧當作象新本雖已改正舊本尚仍並乞附載改正鏤板既而禮院奏從所請故有是詔

附 頌先聖祝文

徽宗崇寧四年頒降先聖祝文 維年月日具官姓名 敢昭告於至聖文宣王惟王固天攸縱誕降生知經緯 禮樂闡揚文教餘烈遺風千載是仰俾茲宋學依仁游 藝謹以制幣牲齊粢盛庶品祇奉舊章式陳明薦以充 國公鄰國公配尚高言

吳興劉氏嘉業堂鈔本

崇儒

幸太學

太宗 端拱元年八月太宗幸國子監謁文宣王畢升 輦將出西門顧見講坐左右言學官李覺方聚徒講書 即召覺令對御講說覺曰陛下云飛在御臣敢輒陞高 坐帝為降輦令有司張帝幕設別坐詔覺講易之泰卦 從臣皆列坐覺因述天地感通君臣相應之旨帝甚悅 特賜帛百匹明日謂宰臣曰昨聽說泰卦文理深奧足 為君臣鑒朕與卿等當遵守勿怠

二年二月以國子監為國子學

淳化五年十一月幸國子監賜直講孫奭五品服時台

頭講尚書判監李至執經典講堯一篇未畢遽令講說
命三篇帝曰尚書王言治世之道說命居最文王得太
公高宗得傳說皆賢相也復誦說命事不師古以克永
世匪說攸聞之曰誠哉是言何高宗之時而有賢相
如此嘉歎久之賜奩帛三十段廟學典禮云云天以良
賜奩帛別

真宗 咸平二年幸國子監召學官崔偓佺說尚書景
德中令偓佺講道德經日於崇文院候對終篇賜以白
金繒綵偓佺願
正之弟

紹興十三年三月十九日詔朕以兵革之後創建太學
特為臨幸至養正持志二齋詳觀諸生硯席之游誠嘉

吳興劉氏嘉業堂鈔本

多士文學之集所幸二齋長諭已免解人特與免省未
免解人與免解其學生並與免將來文解一次內有官
人特與免省

二十一日詔車駕臨幸太學執經講書官太學國子
監書庫官厨指使各轉一官內選人與改合入官大職
事已該永免解人與免省未該免解人與免解一次其
餘學生並令戶部支賜束帛

淳熙四年二月一日詔車駕以是月五日幸太學祇謁
先聖執經官差權禮部侍郎李燾講經官差國子祭酒
林光朝仍講禮記中庸凡為天下國家有九經一段既
而參知政事龔茂良等言祖宗朝幸學皆命儒臣講經

紹興十三年太上帝嘗御敦化堂命國子司業高閌講泰卦此已行典禮上曰易詩書累朝皆曾講如禮記中庸篇凡為天下國家有九經最關治道前來却不講茂良等奏此於治道包括無遺且在中庸篇愚見不知出此陛下聖學高明深得其要故有是詔是日依故事講書畢應從駕三公使相親王侍并陪位監學官監學生並賜茶

同日叅知政事龔茂良言幸學禮成合拜表稱賀州郡監司亦當上表詔幸學常事矣以賀為不須拜

七日詔兩學散甚可與修葺令南庫支二萬緡委知臨安府趙磻老修葺其規模狹陋去處令隨宜展拓務

吳興劉氏嘉業堂鈔本

要如法毋致滅裂

八日詔幸學合推恩人令依紹興十三年已行體例執經講書官太學武學國子監書庫公厨官以次各與轉一官大職事已免省人與釋褐永免解人與免省未免解人與免解一次曾得解該遇慶壽恩免解人候登第唱名日與陞中內武學人比附減半諸齋起居學生各賜束帛既而上又宣諭諸生有兩經幸學人潦倒可念莫已不多否宜並與補官臣茂良等奏士人蹉跎場屋其兩幸學者不過數人極可憐聖念及此恩同天地上甚喜又奏有何上民者前遇慶壽恩實年八十因初赴補減了年甲至時方六十九歲諸生曾結罪保今又

該幸學上曰可與補迪功郎又奏前此該慶壽恩補官者聞得有數人年老離學遂無所歸上曰如何終身只在學中茂良奏曰寒士自小入學老無所歸或以學校為家者有之上曰如此可憫於是詔昨該慶壽赦太學生七十已補官人如願依舊在學者聽

十一日詔太學文宣王像并從祀一十二位令重行塑繪所有舊像權遷於首善閣下

幸武學

宋太祖建隆二年先是上臨幸武成王廟貌所畫名將指白起曰起殺已降不武之甚乃詔張昭寶儀高錫等取歷代謀臣名將功業始終無瑕者配享

吳興劉氏嘉業堂鈔本

三年九月十六日壬申詔於東京舊城南建武城王廟

與國學相對命左諫議大夫崔頌一作判國子監崔頌中使盧德

岳董其役仍命頌檢閱唐末以來謀臣名將勲績尤著

者具名以聞考試舉人權就武成王廟

四年四月六日丁亥帝幸廟閱土木之功也歷觀兩廊

下圖畫名將指白起曰此人殺已降不武之甚何受享

於此以杖畫去之

六月十三日癸巳知制誥高錫言配享七十二賢王

僧辨不克令終慮非全德望加裁定詔吏部尚書張昭

工部尚書寶儀與錫詳定以聞昭等奏新入歷代功臣

二十三人如灌嬰耿純王霸祭遵班超西晉王渾東晉

周訪宋沈慶之後魏李崇傳永北齊段韶後周李弼唐
秦叔寶張公謹唐休璟渾瑊裴度李光顏李愬鄭畋梁
葛從周後唐周德威符存審舊配享功臣退二十二人
魏吳起齊孫臏趙廉頗漢韓彭周亞夫段紀明魏鄧艾
蜀關羽張飛晉杜元凱陶侃北齊慕容紹宗梁王僧辯
陳吳明徹隋楊素賀若弼史萬歲唐李光弼王孝傑張
齊丘郭元振詔曰其武成王廟從祀事象齊相管仲宜
塑像升於堂魏河西太守吳起宜畫像降於廡餘依昭
等議外並從舊制

乾德元年四月丁亥幸國子監遂幸武成王廟

開寶二年九月一日朔己幸武成王廟

吳興劉氏嘉業堂鈔本

藝祖皇帝即位之月首幸國學次月又幸范祖禹於帝
學言之范百祿上哲宗視學疏又言之而續通鑑長編
與會要日曆等書皆逸不載蓋闕典也豈有列祖宗儒
重道汲汲如此而紀載可略乎蓋三代王者得天下以
仁未嘗一日不以學為急務武王克商未及下車而褒
先聖之後表先賢之間尊尚名教惟恐不及此所以作
周恭先而無疆惟休也漢非不以寬仁成業然過魯以
大牢祀孔子乃在高祖十二年唐非不以義兵取天下
然詣國子監釋奠於先聖先師乃在武德七年兵戈未
休猶舉隆典以漢唐尚爾而況其他乎國朝受命五星
聚奎皇業初基日不暇給而一兩月間至於再屈帝車

款謁先聖故事表章儒術明示化原所以三百年間理
學盛行聖道復續蓋與武王之政先後合符而漢唐儒
風抑亦在下矣故百祿曰祖宗隆儒師古躬化天下之
意如此祖禹曰所以啟佑後嗣立太平之基猗歟盛哉
書云聖有謨訓明證定保皇祖之訓其在子孫可不保
持而緝續之哉

禮
吉

釋典

幸太學

聖

